

آبونه شرائطی

ممالك عثمانیه ده سنه لک (۶۵) ، التي
آیلقی (۳۵) غروشدور .
ممالك اجنبیه ده سنه لک (۱۷) ، التي
آیلقی (۹) فرانقدر .

اداره خانه

باب حاکم جاده سنده اورخان بک خاننده
نومرو ۲۳-۲۶

اخطارات

آبونه بدلی پشیندر .

§

مسلكه موافق آثار مع المصنویه قبول
اولنور م درج ایدیا مین یازیلر
احاده اولوغاز .

اخطارات

رساله مزدن آلتدینگی کوسترمک شرطیله
یتون یازیلر هر هادیکی بر خیزته طرفندن
اقتباس اولونه ییایر .

§

مکتوبلرک ، امضارک واضح و
اوقوناقلی اولمسی و آبونه صبره
نومروسی محتوی بولونمسی لازمدور .

§

ممالك اجنبیه ایچون آبونه اولانلرک
آدرسارینک فرانسه زمره ده یازلمسی
رجا اولنور .

§

پاره کوندرلدیکی زمان نه یه دائر ولدیقنک
واضحاً بیلدیرلمسی رجا اولنور .

الکشاف

سر ۱۳۳۰

والله یهدی من یشاء الی صراط مستقیم دینی، علمی، ادبی، سیاسی هفته لقی مجموعه اسلامییه در

اتبعون اهدکم سبیل الرشاد

صاحب و مدیر مسئول : ح . اشرف ادیب

عدد ۲۳۵ ۵ ربیع الآخر ۱۳۳۱ پنجشنبه ۲۸ شباط ۱۳۲۸ جلد ۱۰

فکائیت

هندستانه اخبار مخصوصه

هند یوننده

۲۴

عراقده مسیات

قاینه نك تبدیلیه حربك دوا می اوزرینه عراقیلرک یوزی کولمکه باشلامشدر . هر طرفده خیر دعالر ، اعانه لر جمعنه تشبث ایدلمشدر . بغداد والیسی ذکی پاشا حضرتلریله اعانه قومیسسیونری رئیس عالیسی داغستانلی محمدپاشا حضرتلرینک اعانات درجی خصوصنده کوستردکری همت وغیرت شایان تقدیردر . مسموعاته نظراً والی پاشا بالذات بیک لیرا ویرمشدر . نقیب افندی ده یوزلیرا ویرمک صورتیله کنیدی سماحت وسخاوتی میدانه قومیشدر . کر بلا دده اعانات درجنه باشلامشدر . بو کیدیشه اون بیک لیرا قدر بالعموم بغداد ولایتیله توابعدن طولانیه بیلیر . خطه عراقیه قبائلدن آل قتله قبیله سی مشایخندن بعضیلری دیگر قبیله ایله مشاجره و منازعه تمهیله برمدتن برو بغداد حبسخانه سنده موقوف بولنیورلردی . بولردن بری (شیخ مبدل الضرعون) حقیقه دولتیله یه ، ملت عثمانیه یه هر صیره سی دوشدکجه نقدی معاوننده بولمقدن کری قالمامشدر . اخیراً بو ذاتک اقرباسندن (شیخ مزهر) ک سکر یاشنده بولان (عبدالعباس) نامنده کی مخدومی مالک و بوینده حامل بولندی فی آلتون کردانلغی اعانه قومیسسیونرینه تقدیم ایتیمی اوزرینه ، ولی پاشا حضرتلری ده متعاقباً پدیریله اقرباسنک حبسخانه دن تخلیه وعقولری خصوصنده تشبثات مقتضیه یه توسل ایلسی اوزرینه ، معفو طوتیللملرینه دائر اراده سذیه شرفصدور ایلر و بو وسیله ایله هم مشایخ موسی الیهامک ، همدله جمله نك مسرتی موجب اولور .

یوم ولادت حضرت رسالتیهای ملاسه سیله بغدادده اعظمیه ناحیه سنده کائن امام اعظم وهام اقدم حضرتلرینک جامع شریفنده مولود ومنقبه نبوی تلاوت اولمشدر . هر سینه کی ، بوسنه دخی اوقاف مدیری طرفدن دعوتنامه لر کوندریلوب ، اعظمیه یه کیدنلره اطعمه نفیسه وشکر توزیع قلنمش و بو وسیله ایله عساکر عثمانیه نك ظفر و نصرتلی ، دولت و ملتک بقاوتعالیسی دعالری رفع بارگاه احدیت ایدلمشدر . ینه بو هفته طرفنده بغدادده کی موسوی ، خرسعتیان جماعتلری طرفدن کنیدی معبدلرند عساکر عثمانیه نك دعای مظفریتلری بر آورده زبان اولندی کی ، کچن هفته ظرفنده ده بغدادک کرخ جهتنده کائن (شیخ معروف الکرخی) حضرتلرینک مقام عالیسنده موحدین اسلام طرفدن ادعیه مأثوره تلاوت ایدیلوب ، جناب حقندن ظفر ونصرت احسانی طابنده بولمشدر .

بغداد : فی ۸ شباط سنه ۱۲۸۸

مخبر مخصوص

س. م. توفیق

بسم الله الرحمن الرحيم

انتباه اسلام

برصالی کونی ایدی ، حیدرآباد شهری هروقتکندن پک بشقه برمنظره اراده ایلوردی . اوصباح بتون هندی احاطه ایدن مهر منیر عادتاً سیاه برشعله صاچیوردی . هر هندلینک چهره سی اوقدر مایوس ، اودرجه غمناک ایدی . هیچ کیمسه بربرینه لاف سوبلیه میور ، هرکس بربرندن دها فضله برفلکت خبری آلهجق تلهفیه تیره یور ایدی . جامعلردن چیغان خلق حیدرآبادک (عرصه وسیع) نه قوشیوردی . اوراده برمتینغ حاضرلانمش کی ایدی . بر ساعت صوکره اون ایکی بیکی متجاوز اسلام عرصه وسیعده طولانمش ایدی . نصف الیدن بر ساعت صوکره کلن بر تلغراف خبری میرزا نصیب الله خان طرفندن مجتمینه تبلیغ ایدلمش ایدی . آژانس داغ نامی الان بر این تلغراف آژانسی بالقان نامیله یادایدیلان عثمانلی آوروپاسنده یوز بیکلرجه اسلام قادین وچو جفک بوغازلانمش اولدیغی اخبار ایدیوردی . عینی تلغراف شو جمله ایله نهایت بولیوردی : « بالقان ده درت بیجی میلیون اسلام وارددر . اولردن خرسیتانلی قبول ایتیانلرک قتل عامنه کمال شندله دوام اولمقددر . »

بتون اهالی : « امداد یارسول الله ... امداد ... دیه فریاده باشلامشدری ... آرتیق هیچ کیمسه کندوسنی ضبط ایده میوردی . نعم الله خان - که مکاتب اسلامیه مفتشی در - راکب اولدینی فیل اوزرنده ایاغه قالمشده : « یامان ! محمد امته آجی ... ابوالقاسم محمدالمصطفی ! یحیی امدادینی یتیشدر . دیه بر مجنون کی اغلایه اغلایه باغیروب طولاشمغه باشلامش ایدی . عرصه وسیعده فوج فوج طولانمش اولان موحدینک غیرارادی بر صورتده تکبیر آلمغه باشلامش اولسی پک مهیب برمنظره عرض ایلوردی . میدانک برکوشه سنده الشیخ الغنی المولا خان قادری درویشلری طولانمش ، ذکر اللمکه باشلامش ایدی . (یاقادر یاقوم) بومقدس الفاظ ایکی بیک قادری درویشنک هپ بردن اغزلرندن ، قبلرندن چیقیور وفضالرده روح عمده ملاق اولیوردی ؛ او یله که : بزاوراده بالقان مظالم ووحشتنی کوریور ایدک ، اولو حه حزن و آلم کوزلریمزک اوکند ، وجدانمزک ایچنده ایدی ...

براز اول تلغرافخانه لره چیتمش اولان دارالفنون طلبه لری مجتمینک بولندی محله واصل اولدیلر . اوکنجلر کندیلرینی ضبط ایده میور ، اغلا یورلر ایدی . اوراده کرسی خطابت یاییلمامش ایدی . طلبه لر حاجی قاسمک فیلی اوزرینه چیقهرق تیره مکده اولان . الریله لاهی دن وارد اولان صباح تلغرافلرینی اوقودیلر ... تلغرافک کشیده ایدلیدی محل ایله تلقی ایلدیکی اخبارات آره سنده نه قدر بر تضاد موجود ایدی .

« عثمانلی آوروپاسنده قتل عام دوام ایدیور . کچن صالی کیجه سی - که اوکون صالی اولدینی ایچون بر هفته اول امش - لفظه ده جامع شریف ایچنه طولدیرلمش اولان درت یوز اون ایکی اسلام قادین ، ارکک وچو جق صباحه قارشی پترول صقیله رق جامع شریفله برابر یاقلمشدر . (قلفیش) قصبه سنده تک اسلام بر اقلمامشدر . مناسرتدن وکوبرلیدن سلائیکه قدر سیاحت ایدن آجته من مأموری شمندوفر کذرکا هنده یوز بیکلرجه اسلام جنازه لرینه تصادف ایلشدر . قادین جنازه لرینک همان اکثریسی عریان برحاله ایدی ... »

طلبه لر آرتق ایلروسی اوقومادیلر ، اوقوبه مادیلر . مجتمین آره سنده بو خبرسرعتله انتشار ایلدیکی بر آنده پک چوق کیشی کندندن کچمش ، کنیدی اونوتمش ایدی ... قادینلر (یافاطمه الزهرا ! امداد شود) دیه بر چیغلیق قویاردیلر . آغلامیان هیچ کیمسه یه تصادف ایدلیور . اخبارات تلغرافیه یی اوقویان طلبه لردن بریسی الارینی قالدیره رق « مقام خلافتی ، روضه محمدی یی محافظه ایلک اسلامه فرضدر . نه ایچون طور یوروز ؟ » دیه باغیرنجه هر طرفدن برغلغله باشلادی . (امداد) صدالری آره سندن (انتقام) ندالری دها

یو کسک چقمغه، عرصه وسیعه ده تلی طراقة لرحصوله کتیرمه باشلامشدی. یاس اسلامک اک مهم قسمی ایسه مسئلهک ایستهنیلدیکی مرتبه آجیق اولامسی تشکیل ایلدورایدی: عجباً محترم خلیفه حرك ديارنده دها نه کی خلیفه لر وقوه کتیریلور...

اوکون اوکلندن بر ساعت صکره مجتهدین طافیلدی. انکلیز مأمور سیاسی مستر بیفر اقسامه طوغرو بر بیاننامه نشر ایدرک قتل عامک وبو خصوصده کی شایعات و اخباراتک خلاف حقیقت اولدینی سویلیوردی. هانکیسه اینانهلم؟

اون برکون صکره راکب اولدیم واپور بنی ارقداشمله برابر بومای قره سولرندن عاملک سینّه سیاهنه طوغرو چکیوردی. ویل اسلامک باشنه که نه فلاکتلی ساعتلریم ایدی. مقصدم حقیقی اکلامق ومقام خلافتی زیارت ایلک ایدی. ایشته بر جریده مبارکه اسلام حضورنده اعتراف ایلورم که بن مقام مقدس خلافتی دها زیاده حدید وغلغله دار کورمک ایسترا ایدم. ایلک ایشم جراثد اسلامیه یی طویلا یوب اوقومق اولدی. بن بر شی آریور ایدم. او صحیفه لرده نلر، نلر.. کورمک استردم. استه دیکم کی کوره مدم. هانیا مقام خلافتده بو قدر ادیب وشاعر وار ایدی. اولر، او محترم صیالر بویه برکونده نه حق وصلاحیتله ابکم ایدیلر؟

هندک وبتون عالم اسلامک تحسین واحترای اوزرینه اولسون که محمد عاکفک پاک قلبندن، تمیز وجدانندن قویان ناله وفریاد آسمان اسلامی تترتمکه کفایت ایلور.. الله عاکفدن راضی اولسون... بوکون سبیل الرشاد صحایف مبارکه سنک عالم اسلام وهنده ایتدیکی خدمت بیوکر، مبعجلدر..

بن بوراده پک بیکس و بیاهییم.. پک آز علما وعقلا ایلل نائل شرف ملاقات اولدم.. واسته دیکم معلوماتی ایدینه رک دین قرده شلریمک نظر اطلاعنه قویدم. طنینده نشر ایتدیکم مقاله مدهده بیلدیردیکم وجهله اسلام انتباهی ایچون هر خدمته قائلانه حق ایدم.

کچنلرده اوراق حوادث اسلامده اسلام انتباهی حقدنه بر مقاله مصادف نظر دقم اولدی. اوچ کون قدر کزدم. هیچ اولماز ایسه بو اثری یازان ذات ایلل کوروشمک، دردلمشک استهدم. آرزوی تشدید ایدن بر نقطه ده اشبو اثرک بالجلله لسانلر ایلل هندلرساننه ترجمه سنه ابتدار ایدیلر چکی حوادثی ایدی. کچن جمعه کونی صاحب اثره صراجعت ایلدم. بنی او ذاتک اقامتگاهنه کتورن آدم صاحب اثر حقدنه فضله بر معلومات ویرمامش ایدی. بن قارشومده کندی یاشیده بر ذات کورمچکی ظن ایلکده ایدم. بر آرز صکره زیاده سیله اسمر رنگلی کنج بر بک یاغمه کلدی وطوغریجه ایکی آلمی ده آیری آیری اویدی.. عصبی وحدتلی بر حالده آلری تتره یور ایدی. کوزلرنده وباقییننده فوق الفایه بر شدت بلیر یوردی. سبب زیارتی ایکی کله ایلل اکلاتدم: «بن اسلام وعثمانی مؤلفلرندن لایموت حقیقتلرک صحیفه کچیرلمش اولسنی استر ایدم» دیم. ایشته او سروده او پارلاق باقییشلی کنج عثمانی مؤلفی جراثد اسلامیه نشر ایدلمش اولدینی یازمش اولدقلری اثرینی بکا ویردی. ایشته بو اثر حقدنه عرض معلومات ایلک اشتیاقندهیم..

اثر (اسلام قانندن دریای مدنیت) و (صلیب قارشوسنده هلال) سرنامه سی تحتهدر. اثرده مقدمه یه تصادف ایلدم. مقدمه یرینه (حضرت علی وحضرت سعد بن ابی وقاصه وبتون علمای اسلامه اتحاف در) دیه بر قید معنیدار وار...

اوطوردیم یرده الی درت صحیفه سنی اوقودم. وصکره صاحبنه خطاب ایتدم: - سکا بیک کره احترام... تکرار آلریمی اویدی. الی درت صحیفه بنی جدی تأثره غرق ایلش ایدی.

بوکنج مؤلف بومعنیدار ومهم اثرینی بر طاقم صحنه لره تقسیم ایلش... صحنه دیورم. چونکه اثر عادتاً بر تیاترو حالنده در.. بو هر یرده موقع تماشا یه وضع ایدیلر چک، جانلی آدملر اوینایه رق اولغاقی تمثیل ایللر چکلر... اسلام خلافتی وعثمانی سلطنتی نامه آوروپا مدنیتک روا کوردیکی حفسلرک برر برر اولانجه حقیقتله کوستریله چک. صلیب نامه ایقاع ایدیلان فساد و ظلم صحنه لرده

کوسترلشدر. بو اثرک بالجلله بلاد اسلامیه ده تمثیل ایچون بوکنج مؤلف صرف مساعی ایلش. هندستانده، چینده، ژاپونیا ده، جاوا ایلل مصرده، حق آوروپاک بلادنده کوستریله چک وتمثیل ایدیلر چکلر. هند لسانلرینه ترجمه سنی من غیر حد بن درعهده ایلدم.

بو اثر عالم اسلامی لایق اولدینی مرتبه ده اویندیرمچقدرد. بوکنج مؤلفه تکرار خطاب ایلدم: ایضاحات ایسترم، دیم.

مؤلفک کوزلرنده دها زیاده بر پارلاق بلیردی: - ایضاحات.. غایت بیسطدر، دیدی. آوروپا مدنی طرقتدن ارتکاب ایدیلن مظالمک بر ترجمه سی در، و بر تمثیل حقیقتدر. آوروپا مدنیت نامه شرقده واقصای شرقده پاکشاقله اولسون قتل ایدیلان برسیاحنه، بر میسیونرینه قارشو یوز بیکلرجه لیرا تفسیلات طلب ایلور و فیلولر حاضر لایور. بوکون اومدن آوروپا یدی یوز بیک اسلام نمشی قارشوسنده کور یوز میسکر، نصل ابکمدر؟ ایشته بوندن صکره ده آوروپا سکوت ایلسون. فقط اسلام هیچ بروقتده سکوت ایللر میه چکلر.. دائماً سویلیه چکلر..

مؤلف اثر بر از طوردی وصکره دها کور بر صدا ایلل: «درت یوز میلیون اسلامک انتباهی کره ارضده عظیم بر عامل سیاسی وجوده کتیرمچکلر» دیدی.

بن بوسوزی خلیفه دیارنده کی بر آدمک آغزندن طوغری استردم. قابیده عظمتله مزوج بر انشراح حاصل اولدی.. مساعده طلب ایلدم. مؤلف آیاغه قالدی. تکرار بر اولاد کی بن آلریمی اوپرکن: - آه، دیدی، آوروپا اسلام عرض وناموسنی بودرجه پایمال ایتدیرمه ملی ایدی..

محترم دیار خلیفه مؤلفک کوزلرندن آقان یاشلر بنده کوزلرمدن افقه باشلادی.

اسلام انتباهی یالکز بر اثرله اکثفا ایتامل در.. آی محترم خلیفه دیارینک محررلری! بر از حرکت کلیکز، کوزلرندن قائل یاشلر آقیتنه رق معصوم چهره لرینی مقام خلافت اوزاتان درت یوز میلیون اسلامه آجیکز واولری طریق وحدت وحقیقتنه ایصال ایدیکز.. واکلاتکرکه دین محمدی یی محو ایتک استه یانلر ایلل مدنی آوروپا متفقد. اسلام دینه سؤ قصد وار.. اسلام عرض وناموسی آیاقلر آلتنه آلینبور.. آی اسلامک قلم وحقیقت صاحبلی! هلال شمدی سزدن بر امید بکلرور.. اسلام قارداشلیک سزدن و بوانتباهدن بر (آتی) بکلرور.. اونی نورلاندیریکز.. و بز هندولر سلامت دین واسلام نامه بتون موجو- دیتمی فدا ایدرر.. یالکز سزلردن نور استرر..

آی اسلامک بیوک عاکفی! او کتله مبارکه موحدین سنی اونوتیه- چقدر. چونکه سن وجدانک نورندن اولره حصه لر آبردک، شعله لر بخش ایلدک. او بیوک خطابلرده دوام ایت. و بز هندلیرده هر یرده، هر حالده سزلر ایلل برابرر.. اکسیکمز بر امید و بر نوردر. اونی ده سزلرک ثبات ومثباتکزدن، عظمت ملیه کزدن، صاحب قدسی خلافت سزدن بکلرر.. اسلام انتباهندن هندولرده بر (آتی) مقدسه منتظر درلر. حیدر آبادی

عل صاحب تقی خان

تاریخ اسلامه آنوره مبعجلدر:

وطن دردی؛ اولاد آجیسنندن مقدمدر!

دنیا ده تک بر اولادم، جکر پارم، استنادکاه رفاه و معیشت وار: محمد بک!.. بونی حیاتم قدر، حق دها زیاده سوهرم. اونک اوافق بر تبسمی بکا دنیالری باغشلار! اولادمی غایت عزیز و مرفه بیوتمشدم؛ ناز ونعم ایچنده بسله مشدم. چونکه تک بر اولادم!..